



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Memorabilivm Societatis Iesv. Sive
Commentarius quotidianae virtutis, notabilem vnius, vel
plurium in Societate vitâ functorum, virtute quapiam
insignium memoriam in menses diesque ...**

Nádasi, János

Antverpiae, 1665

XVI. Die Avgvsti.

urn:nbn:de:hbz:466:1-9625

Cassitas. saeculo per eius manus Deo castitatem statim à voto ac deinceps nullâ sensit graui rebellione turbari.

P. E M A N V E L
FERNANDEZ.

Lusitanus
Bahyz in
Brasilia. 15
Aug. 1633.
atq. 74.

Fides.

Modest.

Oratio.

Mortif.

Hic (vt in annis scripsi) utrâque Theologiâ perdoctè traditâ, è Lusitania in Brasiliam soluit; sed ab Anglis interceptus, in Angliam est auectus. Ibi cum principe de hæreticorum secta Ministro super fidei controuersis disputare iussus, cum ea diceret, quibus ille respondere non poterat, victoriæ præmium tulit verba, quæ victus ille in victorem intemperatè aded iaciebat, vt Angli ipsi Patris modestiam admirati stomachosiores quàm par erat Ministrum, per gradus præcipitem deiecerint, domoque exturbârint. In libertatem assertus, Lusitaniam, adeoque Brasiliam tenuit: vbi Nouitios, Bahyense Collegium, ac Prouinciam gubernarit. Perfrequens illi, ac propè quotidianumerat, duas tresue horas orando ducere, priusquàm stata surgendi hora appeteret; quotidiano cilicij gestandi, ac se flagris inclementer accipien-

di vsu nullâ die omisso. Orandi, tacendi, suauissimè alios commonendi ac errata correctæ perpetuâ obliuione sepeliendi arte fuit eximius. Egros domesticos quotidie intuissebat. Gloriosissimam Dei Matrem & ipse colobat vnice, & studebat vt ab aliis impensius coleretur seque ad id quotidianâ libelli *de Amore Mariæ*, Deiparæ conscripti lectione inflammabat nihilque suscipiebat negotij aut laboris in quo non eius tutamentum exposceret. Gnarus erat omnis propè industriæ ad modos excogitandos se variè afflicandi. Cum omnibus præesset, vestis illi aded abiecta erat, vt vel inde Hispani ac Lusitani Proceres illum in veneratione longè maiori haberint. Clarus etiam dicebatur prænotione rerum, quas ex vero prædixerit: vt quando affirmavit, euentu postea secuto, se sacrificium Missæ superiorum permissu celebraturum; à quo tamen abstinere iussus fuerat, ob caliginem oculorum. Alij afflicto dixit, fore vt seuerior hastenus in eum superioris animus molliretur: alij securam fore nauigationem eò quò mitteretur, licèt omnia essent Hollandis plena; vtrumque affirmavit euentus.

Superior.

Charitas.

Lection.

Mortif.

Paupertas.

XVI. DIE AVGVSTI.

P. FRANCISCVS
DE OTAZO.

16. August.
Hispanus
Huati. 1622.
Soc. 34.

Tradest.

LAutâ domo natus, & in Societatem insignitè liberalis, in illa magno exemplo vixit. Cum de salute sua vehementer anxius Deiparæ nomen imploraret, adesse illâ sibi videre visus est cum corona Sanctorum librum magnum ac splendidum osten-

dentem, ac dicentem. Hic est liber vitæ, in quem eorum relata sunt nomina, quas beatâ æternitate donabit Deus. Tu illum inspice ac lege. Legit initio paginæ aureo caractere exaratum *Francisci de Otazo* nomen. Aliorum quoque prædestinatorum nomina, illi legenda præbuit Virgo, dicens: Fili, hos quoque tuâ operâ ad Beatorum felicitatem perducturus est Deus. Inde illi omnis mæror absterfus est.

S. V.

OOZ

Et

Et postea in Philippinis conuertit ad fidem & ad frugem quamplurimos. Ibi in magno quodam hostium discrimine constitutus, positus genibus Dei matri suppliciter petiit ab illa se suoque Christianos iuuari; & mox obiecit illi Deipara, Franciscæ, inquit, ne metue. Ego te iuuabo. Ira periculo exemptus est. In morte rogatus à Superiore de iis quæ de illo libro prædestinatorum dixi, affirmavit sic rem se habere. Demum cum ex Europa redire in Indiam operasque plures vellet adducere, obiit extremum diem, post vitam admodum innocenter actam, ut nunquam vllius mortalis peccati notam suam conscientiam maculârit, ut fama est.

P. CAROLVS
ROMANVS.

Virginitatis ac singularis ob omni noxa lethifera innocentia flore ad mortem vsque felix creditur Carolus. Desiderium Indiarum non impetratarum transtulit ad Missiones obitas fructu magno & plausu pietatis. Nouitios cum regeret, quendam animo fluctuasle ac fugam fuisse meditarum, sed diuinâ prouidentia impeditum mirabiliter didicit, ac fuis pro eo precibus eidem disertè prædixit fore ut in Societate persisteret, atque ad Indos penetraret. Alij quoque cuidam plures occultas eius destinationes & quædam quæ postea euenere, aperuit. Beatiss. Dei Matri ex affe addictus, cum illam Laurentiana in domo inuiseret, illam istic vnâ cum Iesv infante ac S. Iosepho sibi spectabilem per quietem habuit. Adolescens quispiam in carnis sordibus volutatus, quem ille confitentem audierat diem obiit: pro hoc sacrificium altaris celebraturus Carolus exibat ad altare; & ecce

illius adolescentis animam igne inundante inuolutam vidit, & dicentem audiuit: Damnatam se ad æternam in-cendia, quod obscenâ cogitatione delectatus post confessionem excōsensisset. Inediam sæpè vsque ad deliquium tolerabat.

A N T O N I V S
VASCONCELLVS NOVIT.

Illustri domo natus, & Eboræ Sacrae Inquisitionis Deputatus, ut vocant, integritate magni exempli fuit spectabilis. Inde voto se obligauit fidei propagandæ, & si liceret, fuso etiam sanguine confirmandæ. S. Franciscæ Xauerio velut prototypo utebatur, eiusque sectari vestigia vndeque optabat, Societate quoque flagranter petita, sed necdum impetrata; quod & virtute & autoritate suâ plus posse in eo in quo erat generalis per Indiam Inquisitoris munere pro Ecclesia crederetur. In India per accuratè Inquisitionis munus cum ageret, quidam ad illud tribunal accersiti sunt, qui à Iudice tam incorrupto suis fortunis, existimationi, adeoque capiti, metuebant. Ergo cum donis eum corrumpi hand posse scirent, porrecto veneno morbum illi mortemque in causa defensæ fidei consciuere. Quare, qui hætenus viua imago Xauerij totâ imitatione esse contendit, optauit etiam in eadem cum illo Societate mori, in qua viuere, quantumuis id flagitanti, hætenus non dabatur. Tandem eum id iterum atque iterum petentem Aluarus de Tauares Goanus Prouincialis, admisit: & ille, toxico gliscente in viscera, religiosè decessit. Quotidie conscientiam confessione per purgabat; diuino sacrificio per tres horæ partes operabatur; duas horas orationi dabat duobus de Societate

E. P.

Mort.

Innocent.

Italus Gon-
fani in Sici-
lia 16. Aug.
1624. ætat.
43. Soc. 23.

Vocatio.

Iesus parvus
Iu B V, S
Ioseph

Sacrum.

Cassid.

Cognatio.

Mortific.

Lustratus

Goz. 6.

Aug. 1633.

S. Xaverius.

Fides.

Confessio.

Oratio.

tate.

tate sacerdotibus ad aram operatis ministrabat; diuinum officium, ac Deiparæ rosarium de genibus exquebatur; bis quothebdomadis flagris, & cilicio perpetuo corpus mace- rabat; liberalis in ærumnosos, sanos, & ægros.

Mortific.

P. EMANVEL BORGES
ET SOCII DVO NOVIT.

Iustranus
Nangaschi
16. August.
1631. a. cat.
53. Soc. 33.

IN Iaponia Nangaschi dum ab anno 1612. rem Christianam procuraret, posteaquam sæpè latuit, & eos à quibus ad mortem quærebatur barbaros euasit, post anni 1614. exilium re- dux, 13. Augusti. depresso in foueam capite suspensus est; & hoc demum die gloriosum agonem confecit. Et cum illo etiam

Fides.

I G N A T I V S
XINDO. NOVIT.

Japon. 16.
August.

ARIYENSIS ortu in Iaponia, Adriani gloriosi viri in fidei odium cæsi filius. &

I O S E P H V S
REOMVY. NOVIT.

INGENSIS Hi duo è Seminarij disciplinâ socij Patribus, etiam in exilio, & reditione, adhæsere; Societatem demum amplexi, & breui capti, eadem cum P. Emanuele Iaponicæ fossæ ac suspendij morte affecti sunt.

Japon. 16.
August.

P. IOANNES
BATHÆVS.

IN patria vnâ cum germano suo sacerdote communem hæretici furoris torrentem sensit. Etenim hæretici vtrumque hunc esse Catholicum sacerdotem certiores redditi, & quidem Ioannem etiam Iesuitam, magnâ exultatione prædam nobilem in forum abripuere, stipitibus alligauere, ac vtrumque plumbeis scloporum glandibus traicere; Catholicis sacerdotes suos in odium fidei hæreticis exosæ tractari gementibus.

Hibernus
Pötanz. 16.
Aug. 1649
Fides.

XVII. DIE AVGVSTI.

P. MARTINVS.
OLAVIVS.

17. August.
Hispanus
Romæ. 1556
Soc. 4.

COMPLUTI primus fuit Martinus qui Barcinonâ istuc appulso S. Patri Ignatio eleemosynam dedit. Deinde Parisiis Philosophiæ ac Theologiæ disciplinis clarus, ad Carolum V. ac post varia tandem ad Societatem venit, à qua ante hac non medioeriter abhorrebat. Sed perui- sum se aiebat iis vocibus, quas pera-

cri clamore in corde suo sonare sentiebat cum ipso Christi anastasis die inter sacrificandum, à Christo, quem manibus tenebat, consilium & opem exposceret. *Hic ego te volo: aiebat illa vox, in hac tibi Societate & viuendum & moriendum est. Equum est te mea non tua obsequi voluntati. Durum est tibi contra stimulum calcitrare.* Aiebat respondisse tum se: *O Domine, seruus tuus sum: ego; seruus tuus & filius ancillæ tuæ: Societatis IESV. Hæc dixisse, atque mox id voti religione firmasse. In Ro-*

Vocatio.

Eucharistia.

OO 3.

mano.